

Yungzanh: Haeuj Mbanj Lwnh Vunzlai Rox Gij Cingsaenz Daengx Guek “Song Hoih”

融安：深入村屯宣讲全国“两会”精神

3 nyied 11 hauh, Yungzanh Yen Banjlanj Cin ciucomz 9 doih vunz roengz ndaw cin 18 aen hingzcwngcunh bae lwnh vunzlai rox gij cingsaenz vah youqgaenj Siz Ginbingz cungjsuhgi youq Daengx Guek “Song Hoih” gangj, rox cinguj gij iugouz caeuq dajveh moq guhhoengh lajmbanj youz Daengx Guek “Song Hoih” yaengdingh. Ndawdoz dwg ganbu aen cin neix youq Lungznaz Cunh lwnh vunzlai rox gij cingsaenz Daengx Guek “Song Hoih”.

(Cinz Ginghoz/覃庆和)



Bwzliuz: Guhdaih Ndaem Faex Minzcuz Doxgiet Caezhoz

北流：共植民族团结同心林

3 nyied 11 hauh, Bwzliuz Siveij Dungjanbu daengj gak danhvei caeuq bumwnz ndaw si neix、Minzanh Cin Cwngfuj、Dauzcungh Cunh caeuq sevei cujiz gungh ciucomz 150 lai boux guhdaih daengz Minzloz Cin Dauzcungh Cunh guh hozdung ndaem faex aeu “cingz minzcuz doxgiet caemh ndaem faex caezhoz”, gungh ndaem 400 lai go faexdauz、faexsanhgozmeiz. Ndawdoz dwg ciengzmienh ndaem faex.

(Vwnh Minj/温敏)



Yougyangh Gih: Hag Leiz Fungh Gagnyienh Ndaem Faex

右江区：学雷锋志愿植树

3 nyied 11 hauh, Bwzswz Si Yougyangh Gih Vwnz-mingzban caeuq Swdangz Cin Yinzminz Cwngfuj guhdaih ciucomz 70 lai boux gagnyienh saehguh vwnzmingz daengz diegbo Swdangz Cin Dumaj Cunh Mbanjnazdou, guh hozdung saedguh vwnzmingz gagnyienh ndaem faex. Ndawdoz dwg doengh boux gagnyienh fugsah caeuq vunzlai dangdieg guhdaih ndaem faex.

(Lanz Gingganj/蓝庆侃 Yangz Siugenh/杨秀坚 Veiz Cungminj/韦崇敏)



Gvanyangz: Yivu Ndaem Faex Hawj Dieg Lai Go Heu

灌阳：义务植树添新绿

3 nyied 11 hauh banhaet, gyoengq lingjdauj Gvanyangz Yen caeuq vunz gak danhvei、giyez ndaw yienh、Gvanyangz Cin daengj gungh 100 lai boux gagnyienh fugsah daengz Gvanyangz Cin Dayinz Cunh guh hozdung yivu ndaem faex, hawj diegbo fwz lai miz go heu. Ndawdoz dwg gyoengq lingjdauj aen yienh neix ndaem faex.

(Luz Swcinz/陆仕臣)